
This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<https://books.google.com>





A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>



A/N 339 A. 4

a Monsieur

Souvenir d'amitié

S. de Bance

CENT QUARANTE CINQ

RONDEAUX D'AMOURS

CENT QUARANTE CINQ
RONDEAUX D'AMOURS

PUBLIÉS

D'après un manuscrit autographe
de la fin du xv^e siècle.



A PARIS

Chez : A. LEMERRE, passage Choiseul, 27,
et P. ROUQUETTE, passage Choiseul, 85.



AVERTISSEMENT

Les Rondeaux suivants sont tirés d'un manuscrit autographe de la fin du XVII^e siècle, qui est dans la bibliothèque d'un amateur.

L'amour est l'unique objet de ces poésies, qui sont inédites,

L'auteur, sur qui je n'ai trouvé aucun renseignement, n'est pas sans mérite ; il a la grâce naïve des poètes antérieurs au XVII^e siècle, des pensées & des expressions délicates, une sorte de rêverie philosophique & de mélancolie voluptueuse qui ne manquent pas de charme ; on y remarque des tours ingénieux, peu communs dans ces temps anciens, & il y a peu de

couplets où l'on ne rencontre quelque chose qui fasse plaisir.

Comme on est dans le goût depuis quelque temps de faire revivre les anciennes poésies, il a paru à plusieurs personnes, distinguées par leur érudition & leur goût, que celles-ci méritaient l'honneur de voir le jour. Par M., j'ai été amené à les tirer de l'oubli.

Pour être fidèle aux principes d'une reproduction scrupuleuse, j'ai dû suivre l'orthographe du manuscrit ; cette orthographe n'est point partout uniforme, quelquefois les mêmes mots sont écrits d'une manière différente ; cependant j'ai cru ne devoir rien y changer.

J'ai pensé que pour aider à l'intelligence du texte, il était utile de donner la signification de quelques mots qui sont plus ou moins hors d'usage aujourd'hui.

Ce manuscrit original, de format in-8, sur

papier, contient 150 pages d'une écriture cursive, régulière, mais pourtant assez difficile à lire : le fac-simile d'autre part présente la première page du manuscrit.

Une restauration maladroite a fait disparaître quelques mots du rondeau 140 ; je n'ai pas cru devoir suppléer à cette imperfection.

Suivant l'usage des anciens imprimeurs, j'ai placé sous le titre une petite figure en rapport avec l'ouvrage, qui a été prise sur une édition de F. Petrarque, de la même époque.

E. M. B.




6

Quinnant en l'en de l'exposé.
 Je me suis mis à composer.
 Les livres et estanges tous
 pour ma part de l'en de l'exposé
 mais je ne suis pas en l'exposé.

En estant en ce d'm'se.
 Bussey m'est veni a d'm'se.
 Des fucens qu'on fait le minner

Henry

I have my fairer been prais'd
 For making me my abuser.
 My malice a proud boy and
 For my bone place for me found
 My men's soft pride a year ago



*Table alphabétique du premier
vers des Rondeaux contenus en
ce présent livre.*

A

A ce coup est venu le temps.	86
A ceste fois je me plains.	118
Actaint d'amours par si très grosse oul- trance.	24
A heure le tiens, si je suis en la grace.	23
A l'heur que premier vous veiz.	82
Allez ma pensée en messaige.	48
Allez mon cueur delà la mer.	45
A toutes deux & chacune à part foy.	100
A toutes heures la voiz à mon plaisir.	54
Au choix l'ay prins le mal que mon ♥ porte.	130
Au hault de la roe de fortune.	83
Autant où plus & il vous doit suffir.	25
Au temps qui court, pour bien aymer.	78

A vous est, que l'on doit complaire.	58
A vous plus qu'autre de beaulté l'outrepasse.	19
A vous s'en vont mes regrets & mes plainctes.	138

B

Belle & parfaicte, si pitié fust en elle.	33
Bien m'en est pris d'avoir vostre accointance.	53

C

Celle pour qui j'ay porté leffe.	95
Celle pour qui je porte l'A.	49
Celle pour qui ce K je porte.	47
Celle pour qui L je porte.	50
Celluy qui vous fist la requeste.	122
Ce m'est tout ung par nostre dame.	94
Ce petit S que porter me voyez.	46
C'est bien tost lascher vostre prise.	85
C'est & sera tous les temps de ma vye.	52
C'est temps perdu de servir sans cognoistre.	112
C'est trop près cela, car il touche.	60
Corps contre corps, sans penser convoitise.	61

Cueur peu loyal du myen souvent maudit.	123
Cuidant estre amé de la belle.	104

D

Depuis le jour que mon eul vous eut veue.	13
Deul est ennuy, fouscy, regret & peynne.	139
Deul fans espoir tout bordé de com- plainctes.	135
De très bon cueur je prie que le....	140
De vous me plains dames impiteables.	84
Doubtant refus qui par trop fait à craindre.	8
Doulce, plaifante & mignonne en aller.	36
Du depuis le département.	109

E

Elle la prins & la tient en sa laiffe.	41
En attendant la grace souveraine.	111
En désirant ce que ne puis avoir.	134
En mon ennuyeuse pensée.	117
Ennuyt, en lieu de reposer.	1
En peu de temps propos de femme change.	74
En queuvre chef me semblez si très belle.	18
Entre vous qui avez amors.	87
Esse bien fait, dictes le moy ma mye.	124
Excepté vous, chef d'œuvre de nature.	15

Mettez y paix, esvitez le débat.	101
Mieulx me ferait ne vous avoir jà veue.	68
Mifericorde au povre douloureux.	144
Mon loyal cueur a entreprins party.	44

O

Oncques puisque je ne party.	89
------------------------------	----

P

Par contraincte d'amour très naturelle.	40
Parfaicte en biens, accomplie de beaulté.	42
Par trop aymer, ma douleur dire n'oze.	108
Par trop quérir ce que fuyr je deusse.	43
Par vos sermens tous pleins de decepance.	126
Piteusement je vaulx la trespaffée.	141
Pour accomplir le devoir de mon cueur.	21
Pour contrefaire l'amoureux.	38
Pour jamais je vous ay esleue.	14
Pour ma maistresse & dame je vous tiens	64
Pour obeyr au plaisir de mes yeulx.	97
Pourtant madame, quoique l'on vous re- porte.	106
Pour tous vos maulx d'amours garir.	137
Pour vous avoir à mon pouvoir servie.	73
Pour vraye amour n'a point de conscience.	69

Pour ung regard qui de vostre eul me vint.	17
Povre cueur de tous pointz esperdu.	99
Puisqu'ainfi est que tousjours me celez.	67
Puisqu'ainfi est, je prends en pascience.	26
Puisqu'ainfi est que tous ceulx qui ont vye.	145
Puisque plus ne suis amé de M.....	81

Q

Quand ce viendra que nous assembleron.	57
Quand je voyz quelqu'un qui vous baife.	70
Qu'en dictez-vous, ferez vous rien.	29
Qu'en dictez-vous, de ces folz amoureux.	79
Que gaignez vous à me faire mourir.	30
Qui mieulx ne peult, il est bien à son ayse.	56

R

Ravy d'amours, despourveu de bon sens.	6
Riens que cela ne veul avoir.	28
Retirez vous, ne faictez plus la belle.	96

S

Sans amoindrir vostre valeur.	32
S'elle m'aymera, je ne scès.	7
Se peult il faire ainsi que je l'entendz.	131
Si j'ay le cueur qui est myen quicte.	125
Si je fusse mort avec elle.	143

Si je porte couleur palle au vifaige.	113
S'il se peult faire que je acquière.	31
Si vous m'aymez aucunement.	27
Si vous voulez, je vous faiz affauoir.	59
Souffire doibt des maulx que j'ay souffers.	132

T

Tant de longs jours & de dures nuytz.	37
Tant fuis dollent & de doulleurs espriz.	115
Telle fois fera que n'aurez pas la preffe.	91
Tous les regrets qui les cueurs tourmentez	120
Tous les regrets qui fur la terre font.	128
Tous mes cinq sens, laissez vostre exercice.	16
Tous nobles cueurs qui mes regretz voiez.	116

V

Vela mon cas, qui ne durera gaires.	103
Venez à moi regrets, gémissemens.	119
Venez regretz, sourdez en habondance.	142
Vostre eul qui est si fort à dextre.	76
Vostre cueur vollaige & leger.	92
Vous me laissez pour toute rescompence.	105
Vous veoir souvent me ferait ung plaisir.	12

Fin de la Table de ce livre.

Ennuyt, en lieu de reposer
 Je me fuis mis a composer
 Les rudes & estranges tours
 Qu'on m'a fait en lieu de secours,
 Mais je ny ay riens sceu glofer.

En estant en ce diviser,
 Raïson m'est venu adviser
 Des follies qu'on fait par amours,
 Ennuyt.

Par quoy j'ay voulu proposer
 De jamais ne my abuser,
 Ma maladie a prins son cours,
 Je n'y veul plus ufer mes jours,
 Mon cueur s'est prins a appaïser
 Ennuyt.

J'ay tant aymé que riens plus n'aymeray,
Ou, quand, ne quoy cela ne nommeray,
Mais dire puis voire sans blamer ame
Que j'ay fervi si très parfaicte dame
Que de telle jamais ne trouveray.

Avecques maintes, le temps je passeray,
Mais que j'en ayme aucune, non feray,
Car pour certain sans y acquerir blame
J'ay tant aymé.

Deplus faire, ne dire cesseray,
Dorenavant à mon cas penseray,
Tous jeux passent; il faut penser à l'ame,
Le corps est frelle & revient sous la lame,
Bref je me deul de quoy pour dire, vray
J'ay tant aymé.

J'ayme fortune, auffi elle vault
Car c'est elle qui maynne les gens hault
Et les conduyt à grans œuvres entreprendre
Et qui la fcet par raifon bien comprendre
En elle n'a tant foit peu de deffault.

Plusieurs difent qu'au befoing elle fault,
Mais qui l'a bonne, petit de fens luy fault
Prenez le ainfi que vous le voudrez prendre.
J'ayme fortune.

Moiennement gouverner il s'y fault,
Sans y eſtre ne trop froit, ne trop chault
Mais faigement à fon droit point le prendre.
Conclusion : je diray fans meſprendre,
Soit en amours, bataille ou affault
J'ayme fortune.

Il me fault heur, si je veulx bien avoir
Car qui n'a heur peu luy sert son scavoir.
Ne ses vertus, sa force & sa prouesse.
Mais qui a heur, je soustiens que prou effe.
Pour les secretz de sa dame scavoir.

Soiez tous seurs & croyez tous de voir
Que j'ay beau faire & service & debvoir,
Ja par ce bout je narguerray maistresse.
Il me fault heur.

J'ai actendu longue faison pour veoir
Si par raifon l'on me pourroit pourveoir,
Mais droit n'a lieu aussi vray que la messe,
Pensez donc quel grant desplaisir me effe
Quant tout cela me fault appercevoir.
Il me fault heur.

Maleureux cueur, que veulx tu faire
 Veulx tu tant à ungne complaire
 Qu'un feul jour je n'aye repos ?
 Penfer ne puis à quel propos
 Tu me faiz tant de peynne traire.

Nous n'avons ne joye, ne bien,
 Ne toy, ne moy, tu le fces bien,
 Tousjours languiffons en destresse.

Ta loyauté ne nous vault riens,
 Et qui pis est, feur je me tien
 Qu'il n'en chault à nostre maistresse :

Combien qu'ayes voullu parfaire
 Ses plaifirs, craingnant luy desplaire,
 Accroiffant son bon bruyt & loy,
 Mal t'en est pris pour c'este loy
 Que brief penfer de te retraire,
 Malheureux cueur.

Ravy d'amours, d'espourveu de bon sens,
Que penfes tu quant à ungne confens,
De retourner au perilleux paffaige
Ou as esté perdu, tu n'es pas faige,
Si de franchise en fervaige descens.

Advise toy employer tes cinq sens,
A t'en garder & ton cas goufte & sens,
Car les loyaulx ne l'ont pas davantage
Ravy d'amours.

Si ne le faiz des fois l'heure cinq cens,
Tu maudiras & de tous biens absens
Te trouveras or metz à ton couraige
Ce que te diz efcheut ton dommaige,
Ou autrement tu es de raifon fans.

S'elle m'aymera, je ne sces,
Mais je me meçtray en effay
D'acquerir quelque peu sa grace,
Force ni est que par là je passe.
Ceste fois j'en feray l'effay.

L'autre jour je m'en advisay
Qu'a peu que tout mon cueur l'effay
Aller sans que luy demandasse,
S'elle m'aymera.

Pour aprez le coup me pensay
Que long temps a que ne cessay
Ne me fuz que je ne l'aymasse,
Mais c'est ung tour de passe passe
Jen fuis comme je commencay
S'elle m'aymera.

Doubtant refuz qui par trop fait à craindre,
Il me convient tout à part moy complaindre
Et ma doulleur entierement defcrire,
Car fe refuz veult madame féduire,
Il n'est vivant qui peult mon mal estaindre.

Aucunes fois amour me veult contraindre
Publicquement à lamenter & plaindre,
Mais je n'oze de peur qu'il ne m'empire
Doubtant refuz.

Si je ne puis à mon emprinfe aétaindre,
Bien espoire de ma doulleur estaindre
Pour demander s'on me veult efcondire,
Si fuis je prest bien fouvent de luy dire,
Mais tout à coup il me convient refraindre,
Doubtant refuz.

Femme de bien s'il en est point au monde
Dont le bon bruyt jusques si loing redonde
Que contrainct suis de maintenir sa bonde,
Desir le veult & raison le commande.

Il n'est besoing qu'en son honneur enfonde,
C'est ungne abisme qui est plus que parfonde,
Car elle est en vertus la plus grande
Femme de bien.

Ja n'est besoing que plus avant me fonde,
A la loer que mon sens ne s'y fonde
Et vault trop mieulx que encor ung peu j'atende,
Mais cependant veul que chascun entende
Que c'est celle qui n'a point de seconde
Femme de bien.

La congnoiffance me feroit heritaige,
Car tant ay veu de fens & d'avantaige
De biens, d'honneur, de grace & de fçavoir,
Autour de vous, que jamais pour tout voir
Oubliance n'en fera le partaige.

Riens ne regrette fors avoir vefcu l'aige
De tant de jours loing de tel perfonnaige
Que tout le monde ayme & délire avoir
La congnoiffance.

De moy aurez le cueur, le corps en gaigne
Jufqu'au mourir fans ufer de langaige
Dont je vous veulle ung feul brin decepvoir,
Et quant ores je ne vous pourray veoir
Si demourra tousjours en mon couraige
La congnaiffance.

L'excellence des œuvres de nature
 Ou est comprins en trop riche painture
 Infiny loz & parfaicte louenge,
 Seulle en avez par tout pays estrange
 Et bruyt & nom plus qu'autre creature.

De tout honneur vous en faictes sainture,
 Sens & scavoir vous en faictes guerniture,
 A vous loez, chascun tent & se renge,
 L'Excellence.

Vostre valleur & noble geniture,
 Où de beaulté y a oultre mesure
 Si rend enclins tous cueurs fans faire eschange
 Et si estes aussi doulce qu'ung ange
 Reputée de tous fans forfaiture
 L'excellence.

Vous veoir souuent me ferait ung plaisir,
 Voire si grand que jamais desplaisir
 Ne me pourrait à cette heure surprendre,
 Car avec vous l'on peult tout bien aprendre,
 On ne scaurait au monde mieulx choisir.

Vous eslongner me fait en deul gésir
 Que pleust à Dieu que j'eusse le loysir
 Et le moyen en tous les jours sans mesprendre,
 Vous veoir souuent.

Car qui pourrait vostre grace faisir
 Ne s'en debvrait en pièce deffaisir
 Beaulté avez, jeunesse douce & tendre,
 A autre affaire je ne vouldroye entendre,
 Fors seulement pour tout le myen désir
 Vous veoir souuent.

Depuis le jour que mon eul vous eut veue
De tant de biens & de grace pourveue,
Belle, parfaicte & plaine de faconde,
Mon cueur n'eut paix, ne en riens ne se fonde,
Fors à penfer vostre grande vallue,

Trop fut de sens ma faulte despourveue,
Lors que jectay eu si hault lieu ma veue,
Car je n'euz ayse ou dont Dieu me confonde
Depuis.

Mais je ne tiens la peyne pour perdue,
Car je suis seur qu'à vous seule est bien deue
L'obeyffance de tous les gens du monde,
Il n'y a femme premiere, ne seconde
Au pris de vous telle vous ay congneue
Depuis.

Tous mes cinq sens laissez vostre exercice
Et appliquez seulement vostre office
A Hault louer la plus deffoubz les cieulx,
Dont le maintien est si très gracieulx
Qu'il n'est endroit dont louenge n'en yffe.

Pour ce mon cueur ja ne foyez si nice,
Mectre en oubly chose si très propice,
Car ce que j'ay pour elle employer veulx
Tous mes cinq sens.

Il n'est danger si grant on ne met myffe
Ne riens qui soit que pour elle ne fisse,
Car sur ma foy, je ne demande myeulx
Que luy complaire ici & en tous lieux,
Pour luy faire quelque peu tel service.
Tous mes cinq sens.

Pour ung regard qui de votre œul me vint
Au dire adieu, scavez vous qu'il m'advint ?
Je vous prometz & jure ma conscience,
Mon povre cueur y print tant de plaifance
Que tout à coup je ne sceuz qu'il devint.

Crainte tantost ma maniere reprint,
Car en ce lieu en avait plus de vingt
Qui congurent qu'estoye mis à oultrance
Par ung regard.

Si vous scaviez combien il me revint
Toutes les fois que depuis m'en souvint,
Et encores quand bien souvent je y pense,
Mon cueur & moy vivons en espérance
Que vostre œul pour tout sien nous retint
Par ung regard.

En queuvre chef me semblez si très belle
Que incessamment mon œul joue de l'elle
Pour vous vouloir fans cesse appercevoir
Et bienouldroye ungne maistresse avoir
Pareille à vous & quel luy semblast telle.

Veue vous ay de jour & à chandelle,
Mais je soustiens tousjours ceste querelle
Que par sur toutes il vous fait très bon veoir
En queuvre chief.

Je n'ay point veu dame ne damoiselle
En ce pays, tant soit gente où nouvelle
Qui prez de vous face pour recevoir.
Bref chascun dit entre autres pour tout voir ;
Maintien avez plus doux que pucelle
En queuvre chef.

A vous plus qu'autre de beaulté l'outrepasse
 Tresor d'honneur qui le surplus efface
 De toutes celles qui ont bruyt, loz & pris
 Se vient offrir ung loyal cueur espris
 D'amour nouvelle dont jamais ne se lasse.

Et si voulez que serment je vous face
 A quelle fin vostre amour veult & chace
 Il le fera sans en estre repris
 A vous plus qu'autre.

Seulle vous veult, de toute autre il dit passe,
 Car quand voz meurs & voz valeurs compasse
 Bien scait pour vray qu'il a hault entrepris.
 Ce neantmoins tant de bien a appris
 En vous voyant que force est qu'il pourchasse
 A vous plus qu'autre.

Fors de pitié estes toute remplye
De bonnes meurs & la myeux accomplye,
Femme qui soit aujourdhuy foubz les cieulx,
Vostre regard est assez gracieulx,
Mais quoy rigueur souvent le tourne & plye.

Vostre douceur accroist & multiplie,
Vostre valeur à toute heure desplye
Nulle vertus dont l'en vous prise myeux,
Fors de pitié.

Très humblement vous requiers & suplie
Que vous souffriez que mon vouloir se lye
A vous servir & aymer en tous lieux,
C'est tout le bien où parvenir je veulx,
Car vous estes de tous honneurs remplye
Fors de pitié.

Pour accomplir le vouloir de mon cœur,
 Me suis soumis à estre serviteur
 D'une de qui j'actendoye avoir grace,
 Mais je voy bien qu'il convient que me passe
 De ce de quoy je cuidoye estre feur.

Si fortune m'eust voulu donner l'eur
 Qu'il luy eust pleu me faire tant d'honneur
 De moy aymer, plus qu'autre je l'aymasse
 Pour accomplir.

Mais de ce coup ne fault que j'aye peur
 Et me semble que c'est tout le meilleur,
 Veu le tant peu de bien que je y amasse,
 Qu'il voudroit myeulx que je me reposasse,
 Sans plus avant pour chasser mon malheur
 Pour accomplir.

Je l'aymeray fans aillicurs entreprendre
Celle ou l'on peult tant valloir & apprendre,
Celle pour vray qui tant scet & tant vault,
Celle ou n'y a ung feul bruyt de deffault,
Car Dieul'a faicte pour tous biens y comprendre.

A la hanter riens n'y fait à reprendre
En faiz & ditz se garde de mesprendre
Pour abreger, si mon pover ne fault,
Je l'aymeray.

Sa grant valleur me fait à elle rendre,
Son doux aicueil garde d'aillicurs entendre,
Ses bonnes meurs la font loer si hault
Que de nulle autre fors d'elle, ne me chault :
Brief tant que cuer & corps pourront entendre
Je l'aymeray.

A heure le tiens, si je suis en la grace
De la dame qui le surplus efface
De toutes celles qui font au monde en vye,
Car en effet elle est si affouvye
Que sa valeur toutes les autres passe.


Qui sa beaulté & grans vertus compasse ?
L'on dit aprez, c'est icy l'outrepasse
Dont ma pensée est actainte & ravye,
A heure le tiens.

De la louer ma langue n'est pas lasse,
Mais pleust à Dieu que tous jours en plasse
Jusques à ce que par mort je desvye,
De la changer tant soit peu n'ay d'envye
Pour nulle aultre quelque bien qu'on me face,
A heure le tiens.

Actaint d'amours par si très grosse oultrance
Que je pers sens, advis & contenance
Et si n'oze dire à ma maistresse
La grant douleur que j'ay & la grand destresse
Ne luy prier quel me donne allégeance.

Si scaige je bien qu'à la guise de France
L'on peult compter à sa dame en substance
Le mal qu'on a l'ennuy & la tristesse,
Actaint d'amours.

Mais fur ma foy quant suis en la présence
De la myenne, je metz en oubliance
Très tout mon cas & mon advis me laisse
Tout esperdu esfaré en simpleffe,
Par quoy je suis hors de toute espérance.
Actaint d'amours.



Autant où plus & il vous doit suffire
 Mains que jamais ny trouverez que redire
 D'un tout seul point fors qu'a vostre avantaige
 Et pour ce faire metz mon cœur en ostaige
 Qui pour mourir ne s'en voudroit desdire.

S'en vous ne tient en vie ne nous peult nuyre
 Pour rapporter, pour flater, pour mesdire,
 Car je suis vostre convive par heritaige,
 Autant ou plus.

Pourquoy jamais ne vous veul contredire
 Ne faire chose ou trouviez riens à dire,
 Mais je vous prie, foyons tous d'un couraige
 Sans varier ne vouldoir, ne langaige,
 Car de tous pointz par vous me veult conduire
 Autant ou plus.

Puis qu'ainfi est, je prens en pascience
En attendant que j'auray audience
Ung autre jour que bien vous pourray dire
Le cas au long dont je viz en martire
Pour vous amer plus que femme de France.

Il ne fault ja qu'en ayez desfiance,
Car je vous jure en Dieu & ma conscience
Qu'en riens qui soit ne vous veul contredire
Puis qu'ainfi est.

Je vous supply qu'en ayez souvenance
Et me accordez fans nulle difference
De bonne amour ce que tant je désire,
Ainsi mon cueur qui nuyt & jour soupire
Vivra par vous en bonne concordance
Puis qu'ainfi est.

Si vous m'aymez aucunement
Et de le faire ayez tallent,
Si me le dictez,
Laiffiez en paix tant de redittes
Venons au point tant feullement.

Car je congnois tout clèrement
Que de mes maux entièrement
Je feray quicte
Si vous m'aymez.

De quoy me fert le beau semblant
Que me fistes premierement,
Lorsque me vistes.
Mon cuer de cette heure raviçtes
Depuis je y ay pensé grantement,
Si vous m'aymez.

Riens que cela ne veul avoir,
Mais que ungne fois y puisse aétaindre,
C'est assez pour mes maux estaindre
Vous le povez assez scavoir.

Faites doncques vostre debvoir
De me le prester sans plus craindre
Riens.

Amour me veult à ce mouvoir
Penfer à vous m'y fait contraindre
Si entre mes bras vous peusse estraindre
Me suffiroit sans autre avoir
Riens.

Qu'en dictez vous ? ferez vous rien
De ce dont tant vous ay requise ?
Estes vous fort de moy enquisse !
Que trouvez vous où mal où bien ?

Chascun peult ordonner du scien
Et vous du vostre, en vostre guise,
Qu'en dictez vous ?

Direz vous pas, je vous retien,
Celluy que je veulx pour ma prise,
Vous estes faige & bien aprise.
Mon cueur fera il vostre où myen,
Qu'en dictez vous ?

Que gaingnez vous à me faire mourir ?
Aimez vous myeux me veoir ainsi languir
Et sur les piedz sécher comme ungne fouché,
Que me donner ung mot de vostre bouche,
Qui me pourrait de tous mes maux garir ?

Aultre que vous n'ay voulu déffervir
Et par cela je ne faiz que souffrir
Paine & tourment, qui de bien près me touche
Que gaingnez vous ?

Je ne scay plus à qui m'en enquérir
S'il ne vous plaist de me faire jouyr,
Je sens du mal plus que n'en dit la bouche,
Quant ce vous diz vous faictes la farouche
Comme difant que y prenez plaisir,
Que gaingnez vous ?

S'il se peult faire que je acquière,
Par requeste où humble priere,
Vostre amour que tant je désire,
Que perdez vous a me le dire,
Sans estre si particulliere.

Veu que vostre ryant manière
D'amour me donne assez manière,
Vous ne me debvez escondire
S'il se peult faire.

Mais si vous estes coustumièr
De faire à tous semblable chère,
Sans qu'il leur amende, n'enpire.
Je ne tiens compte d'ainfi rir
Qui ne fait plus fors en derrière,
S'il se peult faire.

Sans amoindrir vostre valeur,
Sans appetiffer vostre honneur,
Vous povez faire bonne chère
A celluy qui vous tient tant chère
Que du tout vous avez son cueur.

Departez de vostre douceur
A ce bon loyal serviteur
En tout à moyen & manière
Sans amoindrir.

De le traicter à la rigueur
Vous y acquerrez déshonneur,
Veu fa loyauté si entière,
Ne foyez donc de luy murtrière,
Mais adoulciffez fa douleur
Sans amoindrir.

Belle & parfaicte si pitié fust en elle
 Mais quoy rigueur la fait demourer telle
 Que de mon mal peu où rien ne luy chault
 Et toutes fois elle scet bien qu'il faut
 Que l'ayme tant voyre & non autre qu'elle.

J'ay doulx travail avec joye mortelle,
 Ryant soucy & plaifance rebelle,
 Tout pour ungne, laquelle est sans deffault
 Belle & parfaite.

Espoir me fait pourfuivre ma querelle,
 Doubte me dyt que plus n'en est nouvelle,
 Reffuz m'amys hors du rolle en deffault
 Et puis pitié au grand besoing me fault,
 Voilà comme je suis traité de elle.

Heur me fuyt et malheur me importune,
Courroux me fuyt fans que j'aye joye nefungne,
Ne nul plaisir qui en riens me contente,
Mais par rigueur j'ay tous les jours de rente
Regret mortel tout comble d'infortune,

Vela comme fuis traicté de fortune,
Et feullement par aymer trop fort ungne
Il n'est paynne qu'à mon cueur je ne fente.

Heur me fuyt.

Ma volonté n'est point en riens commune,
Combien que rye & devise à chascune,
A celle feuille ay du tout mon entente
Qui fans ceffer par reffuz me tourmente,
Sans me donner bonne responce aucune.

Heur me fuyt.

Il me suffit d'estre le maindre
 De voz servans sans riens contraindre
 Vostre bonté, qui tous biens passe,
 Espérant que mes maux efface
 Desquelz a paynne m'oze plaindre.

Et quant par souppirer ou plaindre,
 La mort fera ma vie estaindre
 Mais que je meure en vostre grace
 Il me suffit.

A ce me suis voullu abstaindre
 Vous seule aymer, servir & craindre
 Et pour tous guerdons ne pourchasse,
 Quelque mal souffrir qu'on me fasse,
 Mais qu'a cela je puisse actaindre,
 Il me suffit.

Doulce, plaifante & mignonne en aller,
De doulx regart, de maintien amoureux
Gente de corps, gracieufe à parler
Doulce à oyr & fans respons orgueilleux,
Mon doulx penfer, mon defir très joyeux,
Que tous les jours par penfer gracieux
L'amour de vous en mon cueur renouvelle.

Si vous supplye à moy ung peu penfer
Et vofre cueur ne me foit defdaigneux
Et fi vueillez mon petit cas drefser
Car j'ay defir eftre vofre amoureux
Et fi je le fuis, je feray plus joyeux
Qu'oncque ne fus, or ne foyez rebelle
Et procurez tant que de mieulx en mieulx,
L'amour de vous en mon cueur renouvelle.

Tant de longs jours & de dures nuytz,
Tant de travaux, de regretz & d'ennuytz
J'ay soustenu pour vostre amour astraire,
Et n'ay pourtant de vostre cueur substraire
Fors le mal feul dont à moy même nuytz.

J'ay rabasté souventes fois à l'huis
De vostre grace difant, héllas ! je suis
Cil qui vous ay si fort voullu complaire
Tant de longs jours.

C'est à bon droit si ce bien je poursuis,
Car il me semble que jamais je ne puis
Soubz plus grant eür me rengier, ne retraire,
Mais que vous vault de tant me estre contraire
Et d'empeschier mes souhaictz deduitz,
Tant de longs jours.

Pour contrefaire l'amoureux,
Je faiz ainfi le douloureux,
Que ceulx qui font en grant challeur
Si n'en aye mal ni douleur,
De quoy je me tiens bien eueux.

Mais j'entretiens les malheureux,
Qui souffrent les maulx rigoureux,
Et changent souvent de couleur
Pour contrefaire.

Devant jaloux fais le paoureux,
Et n'en laisse faire pour eulx,
Chose qui me tourne à valleur,
Au moins s'il me survient malheur,
Que je vive en paix entour eux.

Faisant fouhaitz parez de joye estaincte
 Du mouvement d'abstinence contraincte
 Qui nuyt & jour augmentent mon desir,
 Il me convient tout à part moy gésir
 Au lyt de pleurs où mon cueur fait sa plaincte.

Sçavez à qui à vous qu'il voyt empraincte
 Devant mes yeulx & si prez du vif paincte
 Qu'ilz s'en lyent pour vous cuider faïfir,
 Faisant fouhaitz.

Mais foible espoir qui le nourryt soubz crainte
 Ne le laïffe venir à son actaincte,
 Ains le blasme de si très hault choisir,
 Par ainssi croyt mon dollent desplairir,
 Et vys sans sens comme personne saincte
 Faisant fouhaitz.

Par contraincte d'amour très naturelle,
Qui me dist, lors, tu ne serviras qu'elle
Me suis offert à vous faire service
Et usant de rigueur, de justice
Contre raison m'avez esté rebelle.

Mais par requeste humble & continuelle,
J'espoire avoir de vous bonne nouvelle,
Car pitié veult que raison obéysse
Par contraincte.

Ou devant Dieu de nature j'appelle
Qui a formé créature si belle,
Si parfaicte pour y laisser ung vice
Se pitié n'est de vostre cueur nourrice,
En poursuivant mourray à la querelle
Par contraincte.

Elle la prins & le tient en sa laiffe
Une qui est de mon cueur la maistresse
Où tant y a de biens & de valeur,
J'ayme pour elle porter peine & douleur
Plus que d'avoir d'autre joye où Lyeffe.

Mon œul la fuyt, c'est toute sa richesse,
Mon souvenir me la loue sans cesse
Car il est sien comme son serviteur,
Elle la prins.

Si sa pitié efface la rudesse
Qui les amans meurtrit souvent & blesse
Je ne fouhaicte au monde ryen meilleur,
Soubz cest espoir en poursuivant mon heur,
Ce mot prendray sans que jamais le laiffe,
Elle la prins.

Parfaicte en biens, accomplie de beaulté
Ne voullez plus ufer de cruaulté
Envers celluy qu'avez d'amours surpris,
Mais le mettez hardiement au pourpris
Ou demeure l'honneur de royaulté.

Il est confict par pure loyaulté,
Montrez lui donc entière privauté
Pour vous tenir fans peur d'estre repris.
Parfaicte en biens.

De luy aurez ferment de feaulté,
Ne vous faire contre amours nouveaulté,
Ains vous servir tant qu'il aura le pris,
Et si dira s'il a ce bien compris
Qu'estez fans fy & fans desloyaulté
Parfaicte en biens.

Par trop querir ce que fuyr je deusse
Et pour aymer ce que pas ne congneusse
Ne fust l'accueil de vous que j'ayme tant,
Fault que rygueur me voyse combatant
Jusqu'au mourir sans ce que pourveoir y sceusse,

De vostre lyt je me souhaiçte puce
Affin au moins que à ce parvenir peusse,
Dont nuyt & jour je me voys débatant
Par trop quérir.

Or pleust à Dieu qu'onques entreprins n'eusse
Si pesant faiz, car ores ne receusse
Si grans travaux dont je suis regrettant.
Mieux me feroit avoir été content
Vous eslongner, car si lasse ne fusse
Par trop quérir.

Mon loyal cueur a entreprins party
De vous aymer ma loyalle partie
Tant que la mort en fera departie,
Puis qu'amours la de vostre amour party.

Je le vous ay également party,
Affin quelle tienne du tout vostre partie
Mon loyal cueur.

Et si vous dis que puis que je party
J'ay eu de joye si petite partie
Que fur ma foy je vaulx mort en partie,
Veoir le povez regarder party
Mon loyal cueur.

Allez mon cueur de là la mer
A travers les voyes saint Clément,
Veoir celle foulz le firmament
Qui moins en riens fait à blâmer.

Et si je meurs par trop l'aymer,
Je vous charge en mon testament.
Allez mon cueur.

Elle vous peult sien réclamer
Car je vous laiffe expreffément
Pour la servir bien loyaulment,
Quant vous m'aurez mort veu paumer.
Allez mon cueur.

Ce petit S que porter me voyez
A celle fin que advertie en foyez,
C'est pour l'amour de vous feulle, madame,
A qui je suis de cueur, de corps & d'âme,
Et si veul bien que partout le dyez.

Je vous requiers, nul autre amy n'ayez.
S'il en y eust, soient du papier rayez,
Pour moy tout seul qui tant loyaulment ame
Ce petit.

Si de bon cueur à mon cas pourvoyez,
Tous mes courroux feront en joye noyez,
Et n'en aurez ne reproche, ne blame,
Faictes doncques ung tour de gentil femme
A c'est povre homme qui est vostre, croyez.
Ce petit.

Celle pour qui ce K je porte
 Je vous assure qu'elle me conforte,
 Elle vault tant qu'on n'y peut trouver blâme,
 Parfaicte en biens par sur toutes autres femmes.

Je l'ay choisie pour Madame,
 Dont je ne crains reproche dame,
 Car de tous biens est affouvye
 Celle.

D'elle partout je me reclame,
 En la louant sans donner blame
 A perfonne qui soit en vie,
 Et si la fers & l'ay servie
 Et serviray plus qu'autre femme,
 Celle.

Allez ma pensée en meffaige
Devers la meilleure et plus faige
A qui jamais j'euz accointance
Et lui comptez bien en substance
Tout mon cas en vostre meffaige.

Affez la qu'elle a bon gaige
Car mon cueur tient en son fervaige
Soubz la main de longue espérance.

Allez ma pensée.

Foy, loyauté, service, hommaige,
Lui présentez et davantaige,
Mon corps pour mettre en sa plaifance
Contre tous les hommes de France,
Se nul luy vouloit faire oultraige.

Allez ma pensée.

Celle pour qui je porte l'A,
Je vous jure ma foy quelle a
Sur moy beaucoup plus de puissance
Que toutes les femmes de France
Se tienne feure de cela.

N'en cherchez point ne ça, ne là,
Qui ayt telle grace que ceste là,
Et si est belle a fusfifance
Celle.

Je fuis toute à elle vela,
Et ne veul de ça, ne de la
A nulle autre avoir alliance,
Car je cuide en ma conscience
Que jamais rien ne me cela
Celle.

Celle pour qui L je porte,
L est de si très bonne forte,
Que jamais n'auray allégance
En mon cœur, ne vraye accointance
Fors qu'à L je m'afforte.

Car mes plaisirs L supporte
Et mes douleurs L conforte,
Dont je l'aime sans desfiance
Celle.

Point n'en est qui tel bruyt emporte,
Par quoy raison veult & m'exhorte
Que des vertus aye congnoissance
Qui font en L en abondance
Celle.

Je la soustiens ung chef d'euvre en nature,
Et ne congnois au monde créature
A mon plaisir si parfaite en beaulté,
Ne qui tant ait de sens & loyauté,
Pour foy garder de toute forfaiture.

De pareille trouver c'est adventure
De tel maintien, ne de tel stature,
Soit prez où loing en toute honnesteté
Je la soustiens.

Il paintre n'est qui sceut mettre en paincture,
Poette aussi faire par escripture,
Le bien parfait qui en elle est douté
Pour sa très haulte, excellente bonté,
Louer la doy en tous lieux par droiture
Je la soustiens.

C'est & fera tous les temps de ma vye
Que je ferai esclave de la dame
Qui est la plus belle & vertueuse femme
Qui soit au monde & la myeux affouvye.

De la changer tant soit peu n'ay envye
Pour nulle autre je le prends sur mon âme,
C'est & fera.

Car raison veult & desir m'y convye
Que pour jamais d'elle je me réclame,
En ce faisant je n'en puis avoir blafme
Puisqu'elle vault plus qu'autre estre servye.
C'est & fera.

Bien m'en est pris d'avoir vostre accointance
Et ne faictes ungne feulle doubtaunce
Que ma maistresse tousjours ne vous réclame,
Car vous estes la plus parfaicte femme
De qui j'eusse jamais la congnoissance.

Vostre façon & belle contenance
Et les vertuz dont avez habondance
Me le font dire, sans y penser nul blame.
Bien m'en est prins.

Toutes autres j'ay mis en oubliance,
Car je vous donne sur moi toute audiance,
Tant que le corps pourra soustenir l'ame
Vous serviray comme la dame
A qui je doy porter grant révérence.
Bien m'en est prins.

A toutes heures la voiz à mon plaisir
Et parle à elle à mon gré & loysir
Sans faire chose qui en riens luy desplaïse,
Mais doucement je l'accolle & la bayse
Honnêtement, sans plus prèz la saisir.

Or pensez donc si j'ai grand desplaïr
Quand elle ne veult accomplir mon désir
Du demourant qui me tient en malayse
A toutes heures.

De toutes autres faiz mon cuer deffaïr
Et icelle seulle aymer, servir, choisir,
Qui est belle, douce, jeune & courtoise.
Mais tout cela tant soit peu ne m'apaïse.
Car je voudroye avec elle gésir
A toutes heures.

Il m'en desplaist dont plus tost n'ay servie
Celle qu'à ma franchise affervie,
Par les grans biens que j'ay congneux en elle,
Car la beaulté, bonté, fens, valleur d'elle
En loyauté la font très affouvy.

De la servir, certes je meurs d'envye
Si piteuse est, bien doy aymer ma vye,
Sinon auffi j'ay mauvaise querelle.
Il m'en desplaist.

Si par amour grace estoit deffervye,
Où par servir pitié estoit ravye,
Je auroye des biens & des honneurs d'icelle
Que j'ayme, crains & à chascun le celle,
Mais se force est que par elle dévy
Il m'en desplaist.

Qui myeulx ne peult, il est bien à son ayse
Qui tient sa dame & l'accolle & la bayse,
Jeune, en bon point, belle, bonne & fayge
Beau tainct & neuf & gente de corsage,
Que luy fault-il, mais qu'il ne vous desplaïse.

S'il est course, son alayne l'apayse
Tot le secourt & met hors de malayse,
Et tout cela prent à son advantaige,
Qui myeulx ne peult.

Au monde rien ne voyt que tant luy plaïse,
Eureux se tient, mais que bien luy complaïse,
Son cueur luy donne & luy baille en ostaige
Jusqu'à la mort n'a point de meilleur gaige,
Mais de son nom c'est force qu'il se taïse.
Qui mieulx ne peult.

Quand ce viendra que nous assemblerons
Madame & moy & priveement ferons
En fa chambre où nous debvons g  fir,
Est il possible d'avoir plus grand plaisir
En ce monde que tous deux nous aurons ?

Toute la nuyt d'amour deviserons
Et de ses biens les meilleurs choysirons,
Car adoncques aurons nous beau loyfir,
Quand ce viendra.

Maulgr   jaloux, nous nous en ayferon
Par bonne amour l'un l'autre bayferon
Et puis apr  s, si nous avons loyfir
Et nous sommes affailliz de desir,
Adeyvnez que c'est que nous feron,
Quand ce viendra.

A vous est que l'on doibt complaire
Et meſtray peyne de vous plaire,
Nuyt & jour toujours vous servir,
Et que ne s'y veult aſſervir
Se doibt meſtre à part & retraire,

Dieu print plaifir à vous parfaire
En forme d'un ange pour faire
Son chef-d'œuvre ſans point faillir
A vous.

Vous plus loer n'eſt néceſſaire,
A l'oeul ſe voit ſi m'en veul taire,
Vers vous ſuis venu requerir
Le bien pour lequel acquerir,
Mille pas ay fait ſans riens faire.
A vous.

Si vous voulez, je vous fais affavoir
Que je suis prest à vous faire plaisir
Et pour complaire à vostre seul désir,
Je mettray peyne de faire mon debvoir.

Pensez-y doncques & ne faictes que veoir
Quand vous pourrez, car je suis de loisir,
Si vous voulez.

Des deux pointz l'un, il vous fault recepvoir
Prendre où laisser, c'est à vous de choisir,
Vostre resfuz me seroit desplaisir.
Mais à toute heure, vous me pouvez avoir
Si vous voulez.

C'est trop prez cela, car il touche
A l'honneur ung peu trop avent,
Contentez-vous pour maintenant
De demeurer en bonne bouche.

Pour que ce désir si près me touche,
Je vous le diz tout en ryant
C'est trop prez cela.

Ne faictes donc plus d'escarmouche,
Mais quand serons secretement
Parlons ensemble privéement
Sur ung lyt ou sur quelque couche,
C'est trop prez cela.

Corps contre corps, fans penser convoitise,
L'un l'autre amer de cueur parfaictement,
Faire son fait partout secrettement
Des amoureux en doit estre la guise.

Sans demander tresor de trop grand mise,
Mais s'assembler parfois joyeusement
Corps contre corps.

Ung vraye amour ne doibt avoir faintise.
Chascun se doibt acquitter loyaulment,
Ung amoureux n'a que faire d'argent,
S'il peult tenir sa dame en sa guise
Corps contre corps.

Je l'ayme bien & l'aymeray,
A ce propos fuis & feray
Et demourray toute ma vie.
Et quoy qu'on en die par envye
Jamais je ne la changeray.

Je l'ay pieça deliberay
Qu'a cela je me rengeray,
Qui qu'en pleure, ne qui qu'en rye,
Je l'ayme bien.

Du tout à elle je feray,
Et tousjours luy obéiray,
Tant qu'aura durée ma vie,
Qui a ce faire me convye
Et pour ce je diz & diray
Je l'ayme bien.

Jusqu'à la fin, ja que l'y n'aymeray
Ne pour autre je ne l'estrangeray,
Tousjours monstrant ma loyalle promesse,
Sans que jamais par lascheté j'abeffe
L'onneur que j'ay de l'aymer non feray.

Amour le veult qui a fait l'alyance,
Dont j'espore que sa feure accointance
Fera mon bien à veue d'eul prosperer.

Et fon bon bruyt augmenter à puiffance,
Mon Loz, mon heur joyffant d'esperance
Vers fon amour me fait myeulx espérer.

En ce faifant corps & biens employeray,
Avecques le cueur, lequel je desploieray
Pour fon amour, veu que c'est ma richesse,
De mes joyes le trefor & l'adrefse
A qui sur tous loyaulté garderay
Jusqu'à la fin.

Pour ma maistresse & dame je vous tien
Et autre part je ne quiers avoir bien,
Quand vous vouldrez le vous diray de bouche,
Car vous estes celle que mon cueur touche
La plus prochaine sur toutes, je maintien.

Tant plus avant, voys & m'empire
Et souffre si très grant martire
Que ne puis avoir resconfort.

Mais je vous prie fans contredire,
Mandez moy où vous yray dire
L'amour dont vous ayme si fort.

Vostre douceur & très bon entretien
Souvent me bercent, dire n'oze combien
De paour qu'ayez de moy quelque reproche,
Mais femme n'a au monde qui approche
De mon amour que vous que je retien
Pour ma maistresse.

Je fuis tout fien à celle qui tant vault
Dont les vertus & les biens vont si hault
Qui n'est enguyn tant soit de haulte touche
Qui sceust suffire, par escript ne de bouche,
Donner les los ne l'honneur qu'il luy fault.

Je ne cuide point que nature
Ne l'ayt formée en sa figure
Pour son chef-d'œuvre & passe route.

Ce n'est point ung cas d'aventure,
Car c'est ung choze si feure
Qu'on n'y doibt point mettre de doubte.

C'est celle qui a loyauté ne deffault,
Celle par qui des autres ne me chault,
C'est le desir qui de plus prez me touche,
En ses papiers nul autre ne me couche,
Toutes qui vivent ne me font froid ne chault,
Je fuis tout scien.

Il est bien vray que j'ay ungne maistresse
Qui longtemps a tient mon cueur et pocesse,
Et en peult faire à son commandement,
Je suis tout sien, n'en doubtez nullement,
Car elle vault trop plus qu'une princeffe.

Ung bien y a & n'est point mentereffe,
Sotte asfaictée, ne aussi vantereffe,
Mais fait son cas partout honnestement.
Il est bien vray.

Et si ainsi est qu'aucune fois je laisse
A l'aller veoir & tenir ma promesse,
Il ne m'en fault blasmer aucunement,
Car je le fais pour raison seullement
Que de nous deux l'amour ne se congnoiffe.
Il est bien vray.

Puis qu'ainfi est que tousjours me celez
Au long aller vos plus secrettes choses
Mes faiz & moy vous feront lettres closes
Dorenavant puis qu'ainfi le voulez.

Tout vostre aicoint n'est que gens recelez,
Je le congnois par testes & par gloses,
Puis qu'ainfi est.

Vous monstrez bien tout ce que vous vallez,
Voz beaux semblans ne sont pas toutes roses,
En vostre cueur sont vos pensées encloses,
De m'y fier, jamais ne m'en parlez,
Puis qu'ainfi est.

Mieux me feroit ne vous avoir jà veue
De tant de biens & de grace pourveue,
Puisque si fort cachée vous tenez,
Et qu'autrement n'allez & ne venez
Là où l'on peult avoir de vous la veue.

Ma voulunte fut tost prinse & receue,
Quant par mon œul vous fustes aperçue,
Puis qu'en tel point mon cueur entretenez
Myeult me feroit.

De tout honneur louenge vous est due
Plus qu'à femme qui soit deffoubz la nue,
Si vous supply que vous retenez
Pour serviteur & que vous me donnez
Nom d'estre tel, sinon fault que conclure
Mieux me feroit.

Pour vraye amour n'a point de conscience,
Dieu & honneur l'on oublie sans doubance,
Ne a raison l'on ne se veult renger,
L'on ne doute, ne parler, ne danger,
De rien ne chault que d'avoir sa plaifance.

S'une femme y va par sapience.
Plus ne vous ayme, s'en est l'experience,
Et foyez seur qu'elle vous veult changer
Pour vray.

Depuis qu'elle dit, prenez en pascience,
Les varlets guectent & mon mary me tence,
Ne doutez point quel vous veult estrainger
Et se desfaire de vous pour abreger,
Et autre part aller prendre allyance.

Quand je voy quelqu'un qui vous baïse
Ou qui avecques vous devise,
Pensez, madame, que tant prise,
Si je suis à l'heure bien aïse.

Mon cueur vyt en grande malayse,
Et n'a pas en luy fa franchise
Quand je voy.

Mais scavez vous qui me rapaïse.
Ce fut raïson qui lors m'avise
Que d'ainfi faire c'est la guyse,
Par quoy il faut que je me tayse
Quand je voy.

Maintenant il est bien eueux
Qui peult, en ung mois ou deux,
Vous voir ungne fois à son ayse,
Mais c'est force que je m'en taïse,
Et que je me die mal eueux.

Je voys dames en plusieurs lieux
Ou je cuide paistre mes yeulx,
Mais il n'est chose qui me plaïse
Maintenant.

Force vifaige gracieulx,
Affez pour en estre amoureux,
Bien souvent je accolle & je bayse
Mais cela point mon cueur n'apaïse,
Car il ne peult être joyeulx
Maintenant.

Heur m'a failly à mon plus grant affaire,
Mais m'a laiffée par fortune desfaire,
Et deffaïr de toute mon entente,
Tant qu'à son bien tant soit peu n'ay d'atente
Pour mon desir & mon voulloir parfaire.

Il n'est plaisir qu'à ma joye sceust refaire
Pour passetemps ni choze qu'on sceust faire,
Tant suis troublée & mal contente.

Heur m'a failly.

Pour mon ennuy couvrir & contrefaire
Et me garder d'envieus nul me forfaire,
De loyauté je me tiens soubz la tente,
Car désespoir incessamment me tente
Pour me cuider fort grever & mesfaire.

Pour vous avoir à mon pouvoir servie
Et de tous pointz ma pensée asservie
A vous voulloir obeyr & complaire
Pour ung autre m'avez voullu desfaire
Et m'eslongner de vous toute ma vie.

Aultre achoison fors volonté ny a,
Veu qu'onques mais mon voulloir ne ny a,
Voz bons plaifirs ne voullut contredire,
Mais à toute heure vers vous s'umilia,
Je m'esbahis qui a ce vous lya.

Si peu d'arrest en change vous convye
Vous n'avez cause de voulloir par envye
Mon loyal cueur accuser de mal faire,
Pardonnez-moi si je ne m'en puis taire,
Car je n'ay pas tel rygueur deffervie
Pour vous.

En peu de tems propos de femme change,
Celle ferait digne de grand louenge
Qu'on trouveroit estre ferme & estable,
Car peu en est qui ne soit variable,
Et qui pis est qui a raison se rengen.

Je ne le dis pour aucune revenge,
Mais proprement c'est ungne chose estrange,
Tant ont le cueur & le vouloir muable
En peu de temps.

Sengle en feust trop myeulx qu'à double rengen
Le très vaillant, droit & beau comme ung ange,
Le fils Priam Troylus le notable,
Car Bryfida comme non raisonnable
Diomedes print pour luy en eschange
En peu de temps.

Hors de propos de raïson séparé,
Loing de bon sens, de joie désesparé,
Triste & pensif esloigné d'espérance
Ayant perdu de tous biens congnoissance
Voyant ung autre de mon boneur païé.

J'ay le mesfait fans cause comparé
Dont Troylus peut estre comparé,
Comme celuy qui est sans contenance
Hors de propos.

Veu le grief mal que l'on m'a préparé
Et qu'amours m'a de si très prèzparé
Cent fois le jour tombe en desespérance,
Madame veult pour sa seule plaifance
Que je demeure comme un homme esgaré
Hors de propos.

Vostre œul qui est si fort a dextre
Au commandement de chascun,
Vous faict avoir aport commun
Des serviteurs sans les congnoistre.

Soit à dextre où à fenêtre,
Il n'en espargne pas ung
Vostre œul.

Qu'il donne à ung seul à repaistre
Et qu'il ne soit plus importun,
Car par Dieu, je n'en voy nescun
Qui ne die que c'est un maistre
Vostre œul.

Les importuns l'emporteront,
Vostre cueur, qui pas ne demeure
En ung propos demy quart d'heure,
Et puis aprez s'en moqueront,

Vostre vouloir bien noteront
Disant l'un à l'autre labeure,
Les importuns.

En temps & lieux vous larderont,
De cela, tenez vous en sceure,
Par quoy de deul fouspire & pleure
Pour ce qu'ilz en caquetteront
Les importuns.

Au temps qui court, pour bien amer
Nul ne se doibt loyal nommer,
Car les dames ont entrepris
Que les loyaux seront repris
Et noyez au fond de la mer.

Pour ce nous fault le trait charmer
Et de trahison nous armer
Sur peine d'estre mors ou pris,
Au temps qui court.

Qui myeulx scaura dames blamer,
Mentir, mesdire ou disfamer
Des seigneurs ceulx là ont le pris,
De tous biens fault estre repris
Qui veult avoir des biens d'amer
Au temps qui court.

Qu'en dictez vous de ces folz amoureux
Qui tousjours font tristes & douloureux ?
Tous mal contens, car nul ne s'en contente,
Ilz ne perdent feullement que l'attente
D'estre meschans coquins et malheureux.

Devant leurs dames font craintifs & paoureux
Et ont sans plus acquis ce mal pour eulx,
Deul & soufcy ont tous les jours de rente,
Qu'en dictez vous ?

Ils font mesgres, pensifs & laugoureux
Et entre mil n'en est pas ung heureux,
Qui parvienne du tout à son entente
Et le surplus à l'œul on leur presente
Bien peu de joie & de dœul plantureux,
Qu'en dictez vous ?

Je vous quitte jeu & entente,
Puisque vostre voulloir contente
Tant de gens pour ung mesmes bien,
Autant m'est de vous que de rien.
Je n'y ai plus n'espoir n'attente.

Si vostre cueur ayme le change,
Je luy repute à grant louenge,
Car cela luy vient par nature.

De voulloir ufer de revenge
Le terme feroit estrange,
Si je le faiz c'est adventure.

Aux ungs vous monstrez apparente
Et envers moy grave & pelante,
Plus ne veul de vostre entretien,
Deformais exempt je m'en tien,
Ne dictes point que je vous tente,
Je vous quitte.

Puis que plus ne suis amé de M
Et que M ne tient de moy compte,
L'amy de M je ne compte,
Car je n'ayme M qui ne me M.

Si je ne tiens M pour dame
M ne m'en peult faire honte,
Puis que plus ne suis.

Pour ce que M amy ne me clame,
L'amour de M ne me furmonte,
Et si M congnoist que amour monte,
M ne m'en doibt donner blame.

A l'heure que premier vous veiz
Scavez-vous qu'il me fut advis
A veoir vostre condition,
Que vous aviez complexion
Pour aimer dances & convys.

Dont tout à coup mis mon advis
Vous dire par aucun devys
Le plus de mon intencion
A l'heure.

Mais quand je vous vy viz à vis,
Je fus plus hault que es cieulx ravys,
Lors creult ma griefve passion,
Car j'euz ymagination
Que vous m'escouteriez envys
A l'heure.

Au hault de la roue de fortune
Je me suis veu pour ungne espace,
Mais vela Madame s'en lasse,
J'ay fait mon tour comme la lune,

L'on m'a mys par voye importune
Au rent des amoureux qu'on casse,
Au hault.

C'est ma dame qui m'en joue d'une,
Mais je ferai, si j'ay espace,
Ung autre tour de passe passe,
Car je la rendrai comme ungne
Au hault.

De vous me plains dames impitiables.
Voz excuses ne seront soutenables
D'avoir laissé ung povre amant gésir,
Actaint au vif sans prendre le loysir
De visiter ses douleurs incurables.

Par tous moyens & devoirs raisonnables
Il a loé vos facons accointables,
Mais Maintenant luy change le désir
De vous.

Femmes estes & par raison muables.
Vous en usez en vos privez tables
Comme il vous plaist & en povez choisir,
Le temps passe, m'en suis voullu faisir,
Mais or congnois les facons variables
De vous.

C'est bien tost lacher vostre prise,
Je ne scay qui vous a apprise
D'esloingner vostre cœur du myen,
Qui a le tort, je n'en scai rien,
Mais c'est fait de femme surprise.

Jay longtemps porté pastience,
Ayant en vos semblans fiance
Cuidant que vous fussiez veritable.

Vous me monstrez par apparence
Que vous avez autre alliance,
Qui est fait de femme muable.

Selon scavoir vostre entreprise,
Vous en pourriez estre reprise
De ceulx qui veulent votre bien,
De ma part vous entendez bien
Que ceste faczon peu je prise
C'est bien tost.

A ce coup est venu le temps
Qu'amours à beaux deniers contens,
Qui se fouloient donner, se vendent
Et ceulx qui ce trippot n'entendent
Ilz pourroient soufpirer cent ans.

Tous patelyneurs bien difans
N'y font riens, s'ilz ne font bien payans,
De cela ils fault qu'ilz entendent
A ce coup.

Ces mignons gorgias fringans,
Et tous autres bons combatans,
Si force escus d'or ne despendent,
Les dames au crocq les vous pendent
Et les font nommer attendans.
A ce coup.

Entre vous qui avez amors
A parler des morts & des vifs,
Vous me feriez bien, se m'est advis,
D'avoir de conscience remors,

Si l'honneur d'autrui avez mors
Ja Dieu ne verrez viz a viz
Entre vous.

Pourtant cherchez quelque bons mors
Qui vous embouche à deviz.
Affin que es saintz cielz soient raviz
Vos ames, mais que foiez mors
Entre vous.

Fortune, tu m'es trop perverse
Sans ce que je l'aye deffervy
Mon cœur en as a deul affervy
Et mon bien mis à la renverse.

Ta grande desloyauté diverse
Me contrainct de parler ainfi,
Fortune.

Tu es faulfe, malle & traitresse
De me braffer ces durs maux cy.
Me veulx tu paistre de fouscy ?
Amour dis moy pour quel cause cesse
Fortune ?

Oncques puis que je ne party
De celle à qui mon cueur party,
Avoye & donné si grant part
Ne me trovay en nulle part
Que j'eusse quelque bon party.

Je fus de joye départy
Qu'encores à moi y party
Car je n'euz bien ne tost, ne tart,
Oncques puis.

Faulse fortune s'est party,
Car tu m'as si fort esparty
Que je suis occiz de ton dart,
Si estoie ton bon foudart,
Mais tu n'en veulx avoir mercy
Oncques puis.

J'en ay congnu ce que j'en veulx congnoistre
Et n'est besoing de plus me faire paistre,
Je scay assez ce que vous scavez dire,
Mais tant y a je ne m'en faiz que rire,
Car par voz ditz il ne m'en peult pix estre.

Si vous estiez quelque peu véritable,
Je tiendroye vostre parler doubtable,
Mais chascun scet ce que vous scavez faire,

Par quoy despité vostre pensée muable,
Que maintes gens ont trouvée variable
Et d'autres maux dont je me veul bien taire.

Pensez vous point que j'aye la langue adestre
Pour vostre bruyt & renommée accroistre,
Si ay par Dieu & scay lire & escripre
Et si scay bien si je vouldroye mesdire
De vostre fait aisé à apparestre.

J'en ay congneu.

Telle fois fera que n'aurez pas la presse
Que je vous voy & lachera la presse
De vostre bruyt quand la fleur en faulcha,
Car vieillesse fi fors vous ridera,
Ventre & joes, que chascun crierà, laiffe.

Plus n'yra l'un à feste, ny à messe
Vous regarder, car molle aurez la fesse
Et le tétin, dont chascun vous fuyra,
Telle fois fera.

Consciderez doncques vostre jeunesse
Et l'employez au deduyt de lyesse
Aux gens de bien, qui vous en requerera,
Si vous le faictes, chascun vous aymera,
On dira tant de bien de vous sans cefse,
Telle fois fera.

Vostre cueur vollaige & léger,
Qui sans cesse est prest de changer,
Ung bon & loyal serviteur
Pour quelque bragart où vanteur
Que nul comptes soit forger.

Il m'a cuide faire enraiger
D'ainfi tost de luy d'estrangier,
Je l'ay trouvé ung grant menteur
Vostre cueur.

C'est ung faulx traistre, menfonger,
Qui ne craint honte, ne danger,
Car des bons est persécuteur
Et aux mauvais doux & flateur
Dont on ne le peult corriger
Vostre cueur.

Il fut vostre, mais il s'en est cassé,
Car voz fins tours l'ont si très fort lassé
Que de tous pointz i vous quicte & delaisse,
Jour que vivéz, ne le tiendrez en laisse
I n'a son cueur plus au vostre enlassé.

Ne vous vantez de l'avoir dechassé,
Car luy mesmes c'est ce bien pourchassé.
Entendez-vous, asfaictée traitresse?
I fut vostre.

De vostre roolle i veult estre effacé
Comme se i fust du monde trespasé,
Puisqu'il congnoist que estes tant mentereffe,
Que ne tenez foy, serment, ne promesse,
I a honte du temps qui est passé
I feust vostre.

Ce m'est tout ung, par nostre dame,
Soiez povre femme où grant dame,
Je ne vous veul ne mal, ne bien,
Ayez des biens où n'ayez rien,
Je ne vous hay, ny ne vous ayme.

Soiez bonne où mauvaïse femme,
Soiez honneste où infame,
Je ne m'enquiers, quoi ne combien
Ce m'est tout ung.

Ayez de l'honneur ou du blame,
Bonne conscience ou mauvaïse ame
Soyez folle, ayez beau maintien,
Je ne vous laisse, ne retien,
Ayez chascun, où n'ayez ame
Ce m'est tout ung.

Celle pour qui j'ai porté leffe
M'a trop long temps mené en laiffe,
Cuidant quel me voulift du bien,
Mais maintenant je congnois bien
Que pour ung estrange el me laiffe.

Ja plus ne fera ma maitresse,
Car elle est trop faulfe & trestresse
Et n'a de foy non plus qu'un chien,
Celle pour qui.

Il est aussi vray que la messe
Que jamais ne tient sa promesse,
De cela bien seur je me tien,
Plus ne veul de son entretien,
C'est ungne asfaictée, menteressse,
Celle.

Retirez-vous, ne faictes plus la belle,
C'est mal rusé pour ungne vieille beste,
Ne pensez pas qu'on se rompe la teste
A vous aymer, vous n'estes plus si belle,

Des serviteurs avez eu plus de mille
Qui ne sont pas demeurez en la queste,
Retirez-vous.

Votre vifaige est ung petit debille
Et le surplus n'est plus gaires honneste,
De vostre honneur il est si manifeste
Qu'on ne parle d'austre chose en la ville.
Retirez-vous.

Pour obeyr au plaisir de mes yeulx,
 J'ay mis mon cœur en penser ennuyeulx,
 Cuidant servir & faire ungne maistresse,
 Mais j'ay congneu qu'elle a autre promesse,
 Par quoy j'ay prins un congé gracieulx.

Si neffe pas que j'en foye joyeulx,
 Car par un temps je en fus bien amoureux,
 Mais raifon veult que de tous points la laiffe,
 Pour obeyr.

Veu qu'en amours les regrets font tieux,
 Jay efpérance que ce fera mon mieulx
 De retourner à ma premiere adrefse,
 Car pour ceste heur, il y a trop grant preffe
 Et les damgers y font fort perilleux,
 Pour obeyr.

Fors la dame tant regrettée,
Tant aymée & tant souhaitée
Qu'il n'en fust jamais point de plus.
Je abandonne tout le surplus
Et quitte pour ungne tostée.

Celle doit estre exaltée,
Et en histoire relatée,
En mettant à part l'outre plus,
Fors la dame.

Entre les bonnes racomptée
Doibt estre & du nombre comptée
Des parfaites, parquoy concludz,
Plustot estre hermite où reclus,
Que nulle soit de moy hantée
Fors la dame.

Povre cuer de tous pointz espardu
Tu es trahi & faulſement vendu.
Ne congnois-tu qu'on ne veult ſeulement
Fors te faindre ung entretenement
Et tu demeures par le becq pendu.

Deſmonſtré as ta puiffance & valloir,
Ta loyauté, tout ce que peulx avoir,
Point ne congnois que plus en aye de grace.

Je le te dis & bien te faiz ſcavoir
Qu'on n'eſtudie fors qu'a le decepvoir,
Déporte-toy, cerche qui mieux te face.

Tu as longuement mercy aſtendu
Et tant ſouffert que l'on t'eult entendu,
Qui t'eult voullu aymer aucunement;
Penſes y bien, tu verras clèrement
Que mal pour bien partout l'on t'a rendu.

Povre cuer.

A toutes deux & chascune à part foy
J'en ayme l'une & l'autre sur ma foy
Je veulx du bien de toute ma puissance,
L'une vault trop & de l'autre je pense
Que c'est assez & suffice pour ung roy.

L'une où l'autre seroit beaucoup pour moy,
Mais toutesfois clèrement j'apercoy
Qu'il est befoing d'avoir mon accointance
A toutes deux.

Car qui voudroit l'une garder pour foy
Et laisser l'autre, je vous prometz pour vray
Qu'on y perdrait & sens & pascience,
Mais bien seroit subtile la science
D'avoir feureté à secret & recoy
A toutes deux.

Mettez y paix, évitez le débat
Entre les deux qui veulent vostre grace:
Où autrement avant que l'année passe
Vous en verrez ung merveilleux esbat.

L'un fort se plaint, l'autre sa coulpe bat,
Vous en jouez comme de passe passe.
Mettez-y paix.

Je les ay veues en leur privé fabat,
L'un est tranffy, l'autre presque trespasfé,
Pourvoyez y & en petit d'espace,
Car l'un arrange qu'à l'autre ne combat,
Mettez y paix.

Je serviray selon qu'on me paiera
Et m'en mettray du tout à mon devoir.
Mais si madame ne veult de moy challoir,
Incontinent la premiere m'aura.

Et pardieu je seroye bien beste
De aymer & qu'on ne me aymast point.

Que je m'en rompisse la teste
Vraiment je ne le ferai point.

De fortes fiebvres celluy qui ce fera,
Ne qui jamais en aura le vouldoir,
Quand est à moy chascun peult bien scavoir
Que tout ainsi que l'on me fera
Je serviray.

Vela mon cas, qui ne durera gaires
A celle fin que plus on ne s'enquier
Où je voys dont je viens, que j'ay fait.
Je vous advise mes dames en effait
Que c'est la teste que j'ai ainsi legère.

Jay accointé ungne povre étrangère
Un franc bergier n'est jamais sans bergière
Je l'ayme bien, je m'en fers; c'est mon fait,
Vela mon cas.

De ne partir jamais d'une tefnière
Comme un songeart, ce n'est point ma manière.
Si je ne cours certes je fuis desfait.
Quant j'ai couru mon faoul, je fuis resfait.
Là où je yray je feray bonne chère
Velà mon cas.

Cuidant estre amé de la belle
Qui n'a fy fors qu'elle est mortelle
De toutes autres me deshéríte
Et ay ceste complaincte escripte
Tant seulement pour l'amour d'elle.

Et si je la trouve rebelle
Mon amour est si naturelle
Que mourir veul à la pourfuicte
Cuidant estre amé.

Mais je ne la cuyde pas telle
Si malheureté la cruelle
Ne la de pitié interdïcte
Et que son œul soit ypocrite
Qui m'entretient à la querelle
Cuidant estre amé.

Vous me laissez, pour toute récompense
De service que vous fîsfe jamais.
Dueil angoiffeux, qui m'est dur entremetz,
Et défefpoir me livrez en fubftance,

Je ne fcay pas en quoy voftre cueur penfe,
Quant de tous points à lui je m'en remais
Vous me laissez.

Ufer mes jours me fault en defplaifance,
De tous plaifir maintenant me demais.
Facheux, chagrin, je feray déformais,
Car je n'ai plus tant foit peu d'efpérance,
Vous me laissez.

Pourtant, madame, quoy que l'on vous raporte,
Ne regardez aux coulleurs que je porte,
Car bien souvent pour mon cas faindre myeulx,
Je faiz semblant d'estre gay & joyeulx
Là où je viz en douleur aspre & forte.

En tous lieux là où je me transporte
A chascun ditz que joye mon cueur supporte
Mais il est triste & melencolieux,

Pourtant.

Je suis vestu souvent de mainte forte,
Il est certain que pour vray je m'afforte
Au spulchre qu'on voyt devant ses yeulx,
Dehors doré & paré en tous lieux
Et au dedans est la personne morte

Pourtant.

Laiffez dangier faire tous ses efforts,
Laiffez fortune avec sa roe tourner,
Laiffez chascun à voulunte parler,
Car il aura, qui me nuyra, bon corps.

Pour mefeldire à grans criz & grans cors
Mais que l'honneur n'y puiſſe ravaller
Laiffez dangier,

Ils ne scauroient contre moy faire fors
Qu'au froit morfondre & au chault se habler,
Pour eulx ne laiffe mon chemin à aller
Je ne les crains où soient faibles ou fors.
Laiffez danger.

Par trop aymer, ma douleur dire n'oze,
Par trop aymer, ma franchise est encloze,
Par trop aymer, ne puis celle changer
Par trop aymer, je languis en danger
Par trop aymer, à mourir me dispose.

Par trop aymer, la mal du bien suppose,
Par trop aymer me desplaist toute choze
Et brief, je pers le boire & le manger
Par trop aymer.

Par trop aymer, joye est de moy forcloze.
Par trop aymer, mainte follye suppose
Par trop aymer, me veult à tort venger
Par trop aymer, mon cueur est estranger.
Conclusion : Je ne dors, ne repose
Par trop aymer.

Du depuis le département
De celle en qui mon pensément
Est en quelque lieu que je soye,
Ennuy fans ceffer me convoye
Dont je viz trop desplaiffamment.

Veoir rire me tourne à tourment,
Chanter, dancer pareillement,
Enfin, je n'ay ne bien, ne joye
Du depuis.

Pour regretter inceffamment
D'en oster mon entendement
Et l'oublier je ne scauroye.
Car rien ne me plaist que je voye
Qui m'est un grief empeschement
Du depuis.

Il ne m'en tient de chanter, ni de rire,
Je n'ay povoir, ne voullenté de dire
Chose pourquoy restoyr nul ne se doye
Car pas ne m'est ainfi que je cuidoye
N'a pas longtemps, il y a trop à dire.

Fortune voys que me veult desconfire,
Je ne luy scay tant soit peu contredire,
A vostre advis debvroye mener joye,
Il ne m'en tient.

Je ne doibs riens fors ma vie mauldire,
Car par ma foy j'ay tant de deul & d'ire,
Que seulement j'ay honte qu'on me voye,
Or pensez doncques comme je chanteroye,
En bonne foye je n'ay vaynne qui tire,
Il ne m'en tient.

En attendant la grace souveraine
De la dame, pour qui je suis en tel peyne
J'ay eu ung riz dont je me tiens très fier
Car bien celer qui d'amours est greffier
L'enregistra pour ma première estraine.

Si n'aige nerf qui ne tremble, ne vayne
Tant ay de peur que ma gloire soit vayne
Mais franc voulloir me fait glorifier
En attendant.

Aussi je croy & c'est chose certaine
Que la bouche de dame si haultayne
Ne daignerait semblant verifier
Qui ne fust vray, je m'y puis bien fier
Et oublier partie de mon actayne,
En attendant.

C'est temps perdu de servir fans congnoistre
Se le service du servant ne plaist au maistre.
Pour ce, Madame, dictez moy que je face
Pour acquérir vostre très bonne grace,
Ainsi pourrez mon vouldoir recongnoistre.

Et vous servant mon honneur peult accroistre,
Mais si je fers fans en vostre grace estre,
Je n'aviendray au bien que je pourchasse,
C'est temps perdu.

Si vous voulez vos servans mescongnoistre,
Vous faictez bien povres amoureux paistre,
Qui vous jugent douce à vostre face,
Vostre rigueur toute pitié efface,
Quant pour servir le loyer ne peult croistre,
C'est temps perdu.

Si je porte coulleur palle au vifaige
Et que de noir me habille par ufaige
Nul ne s'en doit par trop esmerveiller,
Car le dormir m'est moins que le veiller
Des grans regretz qui abrègent mon aage.

Ungne entr'autres parfaite a l'avantaige
De doulx accueil, d'atrayant langaige
En est cause pour mieulx me travailler.

Si je porte.

Aimé l'ay de cuer & de couraige,
Non elle, moy dont fault que du dommaige
Porte le faiz fans remedde y bailler
Et fous actente me convient sommeiller
Baillant espoir & pitié pour ostaige,

Si je porte.

J'ayme le noir, c'est la couleur que porte
Car en tous lieux où que je me transporte,
A la porter je prens mon grant plaisir,
Telle la veul je y ay mis mon desir,
Combien qu'en porte souvent de mainte forte.

Aulcuns le font pour quelque douleur forte
Ou pour quelque personne qui est morte,
Mais je la porte sans aucun desplaisir,
J'ayme le noir.

Plusieurs m'ont dit que de ce me déporte :
Ma fantaisie à ce faire m'enhorte,
Telle couleur piefca voullu choisir,
Chascun en porte à son gré & loysir
Mais de ma part quoy que l'on me raporte
J'ayme le noir.

Tant fuis dollent & de douleur espris
Que je puis dire j'aye des douleurs en pris
Et qu'à malheur nul à moy ne s'aprouche,
Car il n'est peine qui à mon cueur ne touche,
Ne grant tourment dont ne fache le pris.

Espoir me fuit, desespoir m'a surpris,
Et comme esclave me tient en son pourpris,
Au lyt de deul où sans ceffer me couche,
Tant fuis dollent.

Veoir & sans cause, car onques ne m'espris,
Je ne fiz chose dont deusse estre repris
A mon pouvoir, ne digne de reprouche,
Car sur ma foye, il n'est possible à bouche
Dire les maulx, qui en moy sont compris,
Tant fuis dollent.

Tous nobles cueurs qui mes regretz voiez
Amassez deul & vous en pourvoyez
Pour m'ayder à regretter la toute
Parfaicte en biens, qui est la passe route
Et le guidon de tous les forvoyés.

A ce befoing pareffeux ne soiez,
Affin que tous en larmes convoyez
Celle qui a toujours amé sans doubte
Tous nobles cueurs.

Elle s'en va par sentiers desvoyez
Et nous laisse les cueurs en pleurs noyez,
Sans plus avoir d'espérance ungne goute,
La paix nous a laissé au moins pour hoste
Dont bien deffert qua la Dieu larmoyez
Tous nobles cueurs.

En mon ennuyeuse pensée
Comme femme tout infensée
Me plains & tant fort me tormente
En difant, hélas dollente
J'ay d'avec moy joye chassée,

Car j'ay ma douleur pourchassée
Et tristesse en mon cueur lacée,
Tant que fans cesser je lamente
En mon ennuyeuse pensée.

Ma vie feust trop myeulx passée
Et que je fusse trespassee,
Pour ce qu'en nul bien n'ay actente
Et puis n'est deul que je ne sente,
Je fuis de vivre tant lassée
En mon ennuyeuse pensée.

A ceste fois je me complains
Et dont je la viz maudis l'heure,
Car il n'est deul qu'à moy n'acqueure
L'un le couvert, l'autre les plains

Et si fuis de regretz tant plains
Que je désire que je meure
A ceste fois.

Je ne veul de nul estre plains
Ne que personne me sequeure,
Puis qu'ay laiffé celle ou demeure
Mon cueur qui en fait cris & plains,
A ceste fois.

Venez à moi, regretz, gémiffemens,
Tristeffe & deul & tous encombrements,
Et faiffiez mon cueur à vostre guife,
Faictes de moy felon vostre maistrife,
Car je fuis vostre & à vous je me rends.

Pensées, ennuyz & malvais fachemens,
Toutes choses nuysantes aux amans,
Je vous supplie fans faire autre emprise
Venez à moy.

Plus je ne quiers joye, ne ebaftement,
Car celle en qui gifoient mes penfemens
Et que j'avoye pour ma maistresse prise,
Ma trop joué de cruelle faintife,
Laissez doncques tous vos empeschemens.
Venez à moy.

Tous les regretz qui les cueurs tourmentez,
Venez au myen & en luy vous boutez
Pour abreger le furplus de ma vie,
Car j'ay perdu celle qui affouvye
Estoit en meurs & parfaicte en bonté.

Venez doncques & plus rien ne doubtez,
Car mes cinq fens font du tout aprestez
Vous recueillir, pourtant je vous convye
Tous les regretz.

Et si vous prie que d'avec moy oustez
Joye & plaisir lesquelz m'avoit prestez
Pour aucun temps fortune sans envye,
J'ay triste soing qui veult que je desvye,
Pour ce venez & vous diligentez.

Tous les regretz.

I ne m'est plus, car I m'a trop esté
 Celui que j'ay mieulx qui ne vault, traicté,
 Penfant en ly des vertus & du bien.
 Mais maintenant y me monstre très bien
 Qu'il est faulx, traistre, meschant, affaicté.

Quant j'ai congneu sa grant meschanceté,
 Hors de mon cueur l'ai du tout degetté
 Et esloigné pour ce qu'il ne vault rien.

I ne m'est plus.



I m'a tant fait de tours de lascheté
 Que j'ay trop cher son service achetté,
 Par ses faulx tours & desloyal maintien,
 Il eust mon cueur, maintenant il est myen
 Car je le quicte, soit yver ou esté

I ne m'est plus.

Celluy qui vous fist la requeste
Ne se tient pas pour escondit
Tant qu'il puisse à faouf conduit
Poursuivre encor sa queste.

Point ne s'est montré deshonneste
Loyaulment s'est tousjours conduyt
Celluy.

Soiez donc à son secours preste,
Car désespoir le pourbondit
Par tel faczon qu'ainfi qu'on dit
A mourir pour vous il s'apreste
Celluy.

Cueur peu loyal, du myen souvent maudit,
 Qui t'a esmeu de si desloyal estre
 Qu'il le me fault tout clérement congnoistre,
 Or est ton fait, bien contraire à ton dit.

Je t'ay esté tant loyalle maistresse
 Que possible, est ce te puis je bien dire,

Si envers moy as faulsé ta promesse
 Trop m'a mesfait, tu n'y peulx contredire.

Tu as ton serment fans contraincte desdit,
 Se m'en desplait, tu le dois recongnoistre,
 Mais de ma part myeulx vouldroye estre à naistre
 Qu'on eust au myen à bon droit ce mot dire
 Cueur peu loyal.

Esse bien fait, dictez le moy, ma mye
D'avoir voullu mestre en desconfort
Ung povre cueur qui vous ayme si fort
Et qui n'avoit d'autre servir envye ?

Tout esgaré, plain de mélencolye
L'avez laissé pour ung autre a grant tort,
Esse bien fait ?

Ung chascun jour, je luy requiers et prie
Qu'il prenne en foy quelque peu de fort,
Mais il m'a dit qu'il la veult la mort
Pour tost finir sa très dollente vie.
Esse bien fait ?

Si j'ay le cueur qui est myen quicte
Donné à ung autre qui bon reffemble
A nul ne faiz tort, si ce me semble,
Quand le surplus du monde quicte,

S'ainfy envers moy il s'acquitte,
Je n'ay pas paour que de moy femble
Si j'ay le cueur.

Si aillieurs à foy, si la racquitte
Afin que myeux vivions ensemble,
Sans ce que jamais l'on nous deffemble
Car de ma part ainfi m'acquitte,
Si j'ay le cueur.

Par voz fermens tous plains de décepvance,
J'ay prins en vous plus qu'en autre fiance
Vous pensant autre qu'à present ne vous voy
Dont a mon cueur si grant douleur recoy
Que m'esjouyr n'est pas en ma puiffance.

Vivre me faictes en toute desplaifance,
Puis que congnois que de moy fouvenance
Vous n'avez plus, clèrement l'apercoy
Par vos fermens.

Las quant de vous j'euz premier congnoiffance
Je vous pensoye rempli en habondance
De loyauté, vérité & de foy,
Mais le contraire regner en vous je voy,
Dont je maudis l'heure de ma naiffance,
Par vos fermens.

Loing de plaisir & prez de desplaisance
Doresnavant ferai ma demourance,
Car désespoir fait chez moy sa demeure,
Par quoy force est que incessamment labeure
Mon pauvre cœur de toute sa puissance.

Hélas je pers du tout mon espérance,
Qui me contrainct de prendre en rescompence,
Dœul à jamais sans m'esloingner une heure,
Loing de plaisir.

Chascun me dit, prenez en patience,
Mais je ne puis, car je n'ay pas science,
Quant je ne voy ame qui me sequeure,
Le cœur m'estraint tant qu'il fault que je pleure
Et si n'en puis avoir autre allégeance
Loing de plaisir.

Tous les regretz qui sur la terre font
Et les douleurs que hommes & femmes ont
N'est que plaisir envers ceulx que je porte,
Me tourmentant de si piteuse forte
Que mes esperitz ne scevent plus qu'ilz font.

Craincte, plaisir & honneur me osteront
Car je le veul, ilz m'en emporteront
Venez à moi, je vous ouvre la porte
Tous les regretz.

Puisque je pers celle par qui feront
En moy sans fin leur demeure y feront,
Amour le veult & aussi m'y enorte
Et que de sens & raison me déporte.
Conclusion, ilz me demeureront
Tous les regretz.

Je l'ay veue habillée de noir,
A la messe faisant bien son devoir,
De prier Dieu & la vierge Marie
En montrant fort estre femme marrye,
A son semblant on le peult bien veoir.

En vous quel plaisir povez prendre
De ne voulloir jamais entendre
Les grans maux que vous lui faictez?

Prenez loysir de les comprendre
De ne voulloir jamais entendre
Les grans maux que vous lui faictez.

Mais fans cela pourrez scavoir
Que si pitié ne veuillez recepvoir
Qu'on la verra fans nulle menterye
Mourir de deul & de mélencolye,
Pourvoyez y, je vous le faiz scavoir.

Au choïs l'ay prins le mal que mon ♥ porte,
Qui m'est ung faiz trop pesant à porter,
Et si ne scay à qui m'en conforter,
Car bien fouvent je me souhaite morte.

Regret me nuyt d'une piteuse forte,
Mais tant y a m'en fault resconforter
Au choys.

Il n'est ennuy qui au mien se raporte,
Car à toute heure l'on me vient exhorter,
Que d'y penser il me fault deporter,
Hellas ce m'est ungne peyne trop forte,
Au choys.

Se peut-il faire ainfi que je l'entendz
Et me veoir hors de paynne & de mefaife,
Sy vraiment moiennant qu'il vous plaife
Me octroyer ce que de vous je pretendz.

C'est que vous puiſſe veoir en lieu & temps
Ou à mon gré, je vous accolle & baife.

Si j'avoye cent mille eſcus contans
Je les donroye auffitot qu'une fraife
Pour eſtre à part près de vous à mon aye,
Mais que fuſſions d'un accord bien contens
Se peut-il faire ?

Souffire doit des maux que j'ay souffers
A ma maitresse, pas ne le vous deffers
D'en plus avoir passez vous en a tant,
Vous voyez bien que mon cueur en a tant
Que sans faillir toute joye je pers.

Plusieurs enuytz estranges & divers
J'ay soustenus & estez & yvers,
Mais maintenant n'en puis estre content,
Souffire doit.

Mes povres yeulx font de larmes couvers
Plaindre, plorer, puis à deux, puis en vers.
Encores pis que je ne voys comptant
Suis demouré vostre grace escoutant
Seulle sans fy que j'ayme, crains & fers.
Souffire doit.

Le cueur la fuyt & mon œul la regrette,
Mon corps la plainct, mon espery la guette
Celle qui est des parfaites la fleur
Dont à jamais j'ai ordonné ung pleur
Perpetuel en pensée secrette.

Tous en font deul & chascun la souhaitte.
Plusieurs en ont dure complaincte faicte
Car elle avait gaigné de maint seigneur
Le cueur.

Fortune là de nos venes fortraicte
Non sans regret pour sa beaulté parfaite,
Mais de deux biens fault prendre le meilleur,
Si ne fera en oubly sa valleur,
En quelque part qu'elle aille ou qu'on la melte
Le cueur la suy.

En désirant ce que ne puis avoir
En congnoissant ce que ne puis scavoir
Force m'est bien que desolée demeure
Et qu'en douleur mon esprit labeure,
Puis que ainsi est que je n'y puis pourveoir.

Regret me fait tant de mal recevoir
En attendant que ne me puis ravoir
Dont il faudra par ce point que je meure.
En désirant.

Malle fortune pour plus me decepvoir
N'a point voulu la raison concepvoir
Dont prens en deul pour jamais ma demeure,
En regrettant celluy seul, à toute heure
Par qui je puis ma mort appercevoir
En désirant.

Deul fans espoir tout bordé de complainctes
 En noir blafon semé de larmes maintes
 Dorefnavant prendray pour mon devis,
 Sygnifiant que deormais je viz
 Oultre mon gré foulz amères contrainctes.

Mes passetemps, mes joyeuses attaintes
 Sont par rygueur deffaicttes & estaintes
 Dont déormais puis prendre à mon advis
 Deul fans espoir.

De loyaulté furent mes armes painctes
 Premierement par bon voulloir empreintes
 Mais mallebouche à tous mes biens ravys
 Et ma plante discord tout viz à viz
 Dont prendre fault malgré moy & mes plaintes
 Deul fans espoir.

Joye me fuyt & douleur me court seure,
Courroux me fuyt, fans riens qui me sequeure,
Ce qui me tue, hellas, c'est souvenance
Qui me laiffe loing de mon esperance,
Mon seul défir est que brief je me meure.

Quant je me dors, mon esperit labeure,
Au resveiller, Dieu scet comme il pleure
En demandant de mes maux allégeance,
Joye me fuyt.

Je ne scay tour finon mauldire l'heure
Que viz celluy par qui ce mal scaveure,
Mais peult être qu'il n'a pas congnoissance
De mon ennuy, ne ma desplaissance,
Joye me fuyt.

Pour tous voz maux d'amours garir
 Prenez la fleur du fouvenir
 Avec le jus d'une encolye,
 Mais n'oubliez pas le fouscye
 Et meflez tout en desplaisir.

Pouldre de plains pour adoucir,
 Poire d'angoisse pour rafreschir,
 Avec ungne petite oublye
 Pour tous vos maux.

Feulle de loing de son desir
 Herbe d'autre que vous choisir
 Et racyne de jalouzie.
 De cela est la plus grant partie
 Prendre ungne heure avant que dormir
 Pour tous vos maux.

A vous s'en vont mes regretz & mes plainctes
Mes pensées qui font de douleur rainctes,
Mon esperance & tout mon souvenir
Desir ne fait qu'aller ne que venir
Pour vous compter mes dollentes complainctes.

Vos grans valleurs font en mon cueur empreintes
Et si en ay la peine & les estrainctes
Dont comme au myre me convient revenir
A vous.

Sy vous supply & requiers à mains joingtes
Sans plus user enviers moy de contrainctes,
Que me veuillez pour vostre retenir,
A autre bien je ne veulx parvenir
Car pour ravoir mes grans joyes estaintes
A vous.

Deul & ennuy, fouscy, regret & peynne
 Ont eslongné ma plaifance mondaynne,
 Dont à part moy, je me plains & tormente
 Et fen espoir n'ay plus ung brin d'attente,
 Vela comme fortune me pourmainne.

Je n'ay pensée qui joye me ramaynne,
 Ma fantaisie est de desplaifir pleyenne,
 Car à toute heure devant moy se présente
 Deul & ennuy.

Ceste langueur est prez que mort soudaine,
 Puisqu'en moi n'a fang, char, oyr, nerfz ny voie,
 Qui rudement & très fort ne s'en fente,
 Pour abreger sans qu'en riens je vous voye,
 J'ai sans ceffer, qui ma vie afin maynne,
 Deul & ennuy.

De très bon cuer je prie que le. . .
 Et qu'à porter ton mal le.
 Prends volentiers cela que on. . . .
 Car médecins a fait.
 Grant douleur tenir en bonne forte

Tousjours tu penffes ainfy qu'on me raporte
 Et ung peu.
 Quelque estat & son deul l'abandonne
 De très bon cuer.

. . . . tant je me desconforte
 . . . Il n'est que je vois
 tant foit peu ne me

 ainfy que tu le porte
 De très bon cuer.

Piteusement je vaulx la trespaffée,
 Car la douleur qui m'avoie delaiiffée
 Reprinse m'a, qui m'y faict souppirer
 Voir & pour vray trop plus de mal tirer
 Qu'onques ne fist en la faison paffée.

De perdre espoir maintenant suis pressée
 Pourtant que suis sy mallade & lassée
 Que plus ne faiz qu'en langueur endurer
 Piteusement.

Las j'ay songé que tenoie embrassée
 Ce par qui à toy me suis enlassée
 Dont en dormant me suis prins à plourer
 Cela m'a fait grandement empirer
 Et me rent fort de la fièvre oppressée
 Piteusement.

Venez regretz, fourdez en abondance
Accompaignez le surplus de ma vye,
Puisque la mort a par force ravye
La fleur, le choiz & l'élite de France.

Je ne veul plus de nul bien congnoissance,
De tout plaisir j'ay passé mon envye,
Venez regretz.

Et pour tous biens je auray en rescompence
La larme à l'œul, car je y fuis asservie
Ne d'autre metz ne veul estre servie
Affin de vivre en dœul sans espérance,
Venez regretz.

Si je feusse mort avec elle
Au moins feust ma douleur mortelle
Passée, qui avec moy habite,
Mais ma vie est si très mauditte
Que la fin n'en peult estre belle.

Et si fault pour l'amour de celle,
A qui je estoye que je celle
Plusieurs maux dont je fusse quicte
Si je feusse mort.

Parquoy je concludz & appelle
De la mort, qui tant m'est cruelle
Que de moy prendre ne s'acquicte,
Car elle m'eust donné l'eslitte
De mes fouhaitz & joye nouvelle
Si je feusse mort.

Miséricorde au povre douloureux
Armé de deul & d'espoir langoureux,
Tenant les rênes en l'amoureuse queste,
Lequel ne peult par prier ou requeste
Vaincre reffuz, le faulx & rigoureux,

La valleur d'une le fait aventureux
Mais au pourchatz s'est trouvé malheureux,
Dont va cryant sans cesse à plaine teste
Miséricorde.

Et si pitié par moyen doulcereux
Ne estainct son mal qui est trop dangereux.
La mort fera de brief sur luy conquête
Ja ne conneut de ce faire autre enqueste,
Car s'en est fait s'il ne trouve entre deux
Miséricorde.

Puis qu'ainfi est que tous ceulx qui ont vye
Prendront leur fin de ce monde terrestre
Et que par force il nous fault tous terre estre
Je quicte amours & n'y ay plus d'envye.

Remors de mort à ma joye ravye
Tant que souvent je vouldroye estre à naistre,
Puis qu'ainfi est.

Mon espérance n'y fut oncq assouvye
Depuis que Dieu me fist de mes sens maistre,
Mais tot où tart il se fault reconnoistre,
Il me desplaist de l'avoir tant servye
Puis qu'ainfi est.

FINIS.

VOCABULAIRE

POUR

LA SIGNIFICATION DES MOTS HORS D'USAGE

A

ACCOINTER, entrer en liaison, approcher familièrement.

ACCOINTANCE, amitié, familiarité.

ACHOISON, disgrâce, espérance, difficulté, occasion, loisir.

ACQUEURE, pour acquérir.

ACTAIRE, attirer, flatter.

ACTAYNE, querelle, dispute.

ADRESTE, pour adroite.

AICOINT, entourage, compagnie.

AME, pour aime.

L'AME, pour l'aime.

AMER, pour aimer.

AMORS, pour amours.

ASSOUVYE, 'dame affouvie est une dame parfaite, accomplie, ornée de toutes les vertus.

B

BAILLANT, pour donnant.

BLASONNER, dire du bien ou du mal, blâmer ou louer.

BONDE, borne, abondance, perfection.

BOUTER, exciter, induire, mettre.

BRAGARD, homme vêtu à la mode.

C

CASSER, séparer, quitter, abandonner.

CELER, cacher, déguiser.

CHAR, pour chair.

CHALLOIR, mettre en peine, se foucier. Ne lui chault, c'est-à-dire, ne lui importe, ne se foucie.

CHER, précieux, agréable.

CIL, pour celui.

COURSE, pour courroucé.

CONVYS, lieu où l'on s'assemble pour faire bonne chère & pour se divertir.

CUYDER, vouloir, penfer, croire, s'imaginer.

D

DEDUYT, plaisir.

DEPARTIE, séparation, départ, le trépas.

DESPITE, courroucer.

DESVYE, je desvie pour je meurs.

DEVIZ, gré, fantaisie.

DISCORD, démêlé, différend, contrariété de
sentiments.

DOLLENT, chagrin.

DYEZ, pour disiez.

E

ELLE. Joue de l'elle, pour joue de la prunelle.

EMPRINSE, entreprise.

ENFONDE, s'enfonce.

ENGUYN, guidée, conduite.

ENHORTE, exhorte.

ESSE, me esse, pour me est.

ESTRANGE, pour étranger.

ESTRANGIER. ESTRAINGIER, éloigner, rendre
étranger. Vous veult estraingier, vous veult
éloigner.

ESTRE, nature, existence, subsistance.

ESTRIER, penser attentivement, réfléchir.

EUL, pour œil.

EUR, pour bonheur.

F

FAILLIR, manquer, pécher.

FORCE (m'est), c.-à.-d. je suis obligé.

FORS, hormis, excepté.

FORTRAICTE, soustraite.

G

GESIR, reposer, être couché, être abattu, rester.

GLOSER, donner un mauvais sens à une action.

GORGAS, vain, luxurieux, galant paré à la mode.

GREVER, chagriner, tourmenter.

GUERDON, prix, récompense.

GUIDON, prix, récompense.

H

HEUR, pour bonheur.

I

JA, déjà, point, jamais.

IRE, colère.

L

LABEUR, pour travail.

LARDER, bleffer, piquer.

LERRAY, pour laifferez.

LESSE, ruban, cordon.

LOER, pour louer.

LOS, réputation, renommée.

LYESSE, joie.

M

MAINS, pour moins.

MAINTS, plusieurs, plus, davantage.

MALHEURETÉ, infortune.

MALLE, méchante, mauvaise.

MALLE-BOUCHE, médifance.

MESFAIRE, pour malfaire.

MESAISSSE, chagrin, affliction.

METZ, meetz, limites, bornes.

MORS, pour morts.

MORS, pour morsure.

MYRE, médecin.

N

NESUNGE, aucune.

NICE, niais, sot, paresseux.

O

OR, alors, à présent.

OYR, pour ouïr.

P

PAUMER, défailli, pâmé.

PASSE-PASSE, tromper.

PASSE-ROUTE, le merveilleux tour, la maîtrise.

PIECA, **PIESCA**, depuis, déjà, autrefois.

PLAINS, plaintes, complaints.

PLANTE, lieu où une chose est plantée.

POU, pour peu.

POURPRIS, enclos.

POURCHATZ, à la pourfuite.

PROU ESSE, suffit est, est suffisant.

Q

QUERIR, chercher.

R

RABASTER, faire grand bruit.

RESCONFORT, consolation, foulagement.

RYE ET DEVISE, rire et raconter.

S

SEURS, pour furs.

SEQUEURE, secoure.

ES SAINCTZ CIELZ, dans les saints cieux.

SANS SY, sans condition.

SONGEART, rêveur.

SOUFFIR DOIBT, doit être satisfait.

SOULAS, foulagement, consolation.

SOURDEZ, apparaîfiez, fortiez.

SOURDRE, se montrer, apparaître.

T

TIEUX, pour tels.

TOSTÉE, grillade, rôtie de pain.

TRESTOUT, pour tout à fait.

TRESTRESSE, trâîtreffe.

V

VOULSIST, voulut ou veuille.

FIN.

61622977





62

A LYON

A L'IMPRIMERIE LOUIS PERRIN

6, RUE D'AMBOISE

Aux frais et par les soins d'un amateur

M DCCC LXXV

LXXX exemplaires sur papier-whatman

N° XXV

CENT QUARANTE CINQ
RONDEAUX D'AMOURS


PUBLIÉS

D'après un manuscrit autographe
de la fin du xv^e siècle.



A PARIS

Chez : A. LEMERRE, passage Choiseul, 27,
et P. ROUQUETTE, passage Choiseul, 85.





305042846W

**TAYLOR INSTITUTION LIBRARY
OXFORD OX1 3NA**

***PLEASE RETURN BY THE LAST DATE STAMPED BELOW
Unless recalled earlier***

04 AUG 2003

